

故宮博物院
珍藏
叢刊

歐
餘
漫
錄
·
青
蓮
露

等三種



故宮博物院編

海南出版社

故宮珍本叢刊第 478 冊子部雜家類

故宮博物院編

楊氏塾訓 歐餘漫錄
金粟頭陀青蓮露

海南出版社

新學堂
PDG

圖書在版編目(CIP)數據

故宮珍本叢刊.第478冊,子部.雜家/故宮博物院編.-影印本.-海口:海南出版社,
2000.12

本輯包括:楊氏塾訓/(明)楊兆坊撰·歐餘漫錄/閔元衡撰·金粟頭陀青蓮露/(明)葉華撰
ISBN 7-80645-873-5

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2000)第 75573 號

故宮珍本叢刊第 478 冊

子部·雜家

楊氏塾訓 歐餘漫錄 金粟頭陀青蓮露

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 1 月第 1 版 2001 年 1 月第 1 次印刷

開本:787×1092 毫米 1/16 印張:30.25 印數:1-400 冊

ISBN 7-80645-873-5/Z·40

定價:1510 元(子部雜家 18 種共 10 冊)

本書如有印裝質量方面問題請與我社或承印廠聯係
我社爲本書每冊(種)書新編的目錄均置於每冊書末

楊氏塾訓序

塾訓者武林柱史楊蘇門公所手輯以訓其後人者也先是公仲子仲堅令吾旁邑有惠政不佞為文壽公又數年而得是編讀之擊節曰懿爍

哉古人善行嘉言脩身齊家處鄉立朝之極則靡不櫟括其中如示晬鑒如列都肆惟人意所擇取又其言簡約而醒觀覽其旨切實而便率由淺之為灑掃應對之粗而極

之即精義入神之妙執之為多識蓄德之功而悟之即舍筏忘詮之境宋儒曾有此意著為自警編言行錄諸書已行於世第限以本朝取裁未博茲編特推而廣之其託言塾訓則自居蒙養之事用意約取名廉且以為楊氏之書而非通國之書則其歆然不自是而身教子弟以讓居然見矣予觀近世學者高譚名理而倫物則踈徃徃棄下學

而趨上達聽其言似已出聖
入神而起居食息之近反有
不得其理而踰閑出入者其
究曾不如日用不知之百姓
嗚呼弊也久矣然則此書於
救時尤切非楊氏一家所得

三

而私秘也予獨慨蘇門弘負
厚濬晚始以明經應薦而泊
然引退不欲拜一命以歸其
於編中所載前言往行曾不
及措之行事而獨以雄文高
節為間里後進所誦法豈韓

子所謂為澤不為川者歟然
公惟不試故能儲和葆真長
享其天年親睹侍御服行家
訓洵登崇要行為社稷名臣
而猶子以及族屬諸彥聯翩
繼起以其所聞於家塾者乘
時自効愈於身自為之公殆
昔人所稱得道之精者以衛
身其土苴以為天下國家者
非耶後之覽者誠知公不用
之用有在庶幾觀公之深而
茲編者特其緒餘也予故不

辭侍御之委書以歸之

萬曆癸卯仲冬吉旦

賜進士出身資德大夫正治上

卿 太子少保南京吏部尚

書前工部尚書侍

經筵吉水曾同亭頓首拜撰



五

刻楊氏塾訓序

夫蘭之為芬也沃以清澧居以
玄室故幽逸芳郁君子服之非
此俟也庶人弗近故縑之質黃染
以丹則赤人之性貞漸于俗則易故
曰性相近習相遠漸靡使然也古

六

者士稟一教家無二學所與疇者
無陂所與語者無袞者核仁義
之林濡沫中和之化父兄之教不
督而就其子弟不肅而成何者
得所漸也故孟子曰以善養人形
就心和積漸以往如雨之潤物灑

澤滲漣不見其益有時而長矣

直指楊公持斧漕務按節廣陵

暉

隸屬員竊在下風窺

公風節論議有道術者語次得請

尊公塾訓遍閱之廼知公家學淵源遠矣

七

尊公被德懷和通綜今古棄廣文

不就而陰行善武林人方之陳太

丘說在太宰魯公序文

暉 不論

乃推塾訓之作所謂以善養人

者也夫人性本善習與性入習乎

是又之勝非習乎非又之勝是又

非入而君子小人較然以介辟之

傳馬棧然先傳曲木直木無所

施矣先傳直木曲木不得就矣曲

學各是其師嬰兒各識其親則

何也中有本主非其類者無由入

也而况漸漬于道德被服于義方

者乎今塾訓之書原本性情摭撫

人物自稚節以至登年家庭以暨

朝著養身以及謀國條介縷析

合于中正軌于道義令家子弟

童而習之終身由之師斯友斯合

于若性舉而措諸為子必孝為臣

必良立德立功立言必期不朽何者
正言譔言先者主事無蹊道旁
見障遏之邪關也是書之刻意嘉
惠天下意念遠哉暉幸而校梓業
先天下而受公潤者爰本其意而
綴諸篇

九

萬曆癸卯冬十一月朔屬下吏直
隸揚州府推官饒景暉謹序

楊氏塾訓序

昔人有言讀出師陳情
表而不流涕者非人臣子
也故讀平原孟嘗傳即
欲俯躬下士讀俠客傳即
欲輕生繇斯以觀凡人意
有所約結天性自至與傳
記所載兩不相期然必有
所觸焉而起豪傑之士即
挺然自豎立而激發神
智通激御變不有所證驗
固非一智所能獨裁凡夫

稚子溺情結習背理礙
義有父師所不能誨刀鋸
所不能斷者偶有所省覽
至于惕心汗顏油然而不自
已是故提性不如規理規理
不如澄事事觸理觸性

十一

即允愚可以憬然有作而豪
傑之士于以通事會之未
益志氣之用古之人著書垂
訓脩道立教之意如是為
至非苟焉侈而已嗚呼此
蘓門先生楊氏塾訓之

所以作也夫古之尊經獵史
著書立名字者多矣注
博而失實尊而至於畔乃
如說莊世說雋而遺俗齊
諧虞初怪而不經抑或不
諫不編不歸諸雅馴則

十二

孰與夫闕倫常通日用磨
礪身心經緯世務鉅之忠
孝節義機智才略細之單
辭隻行閭巷房闔之事
允古人所已行今人所不逮
者靡不臚列而標揭之若是

編者之深切著明也蓋令讀
者于天性事理交觸互證之
間其中若有所開而所謂油
然而不自己者于是乎出豈
非豪傑之戶牖而庸愚之
津梁乎先生嗜學博古篤

六三

行好脩身隱而不自用以其
所為用世覺人者託之書寄
之其子仲堅侍御而今吾黨小
子尊所聞行所知是編者亦
其一班也 門人黃汝亨頓首

謨併書

鳴

壇
山

塾訓序

家侍御夙研理學允先行
誼嘗從夫方伯敬亭陳公
少司馬致庵許公議論揚
摧廷筠多執灑埽從旁竊
聽媿之皆躬修事也嘗曰孔

由

子大聖人猶云躬行君子為
未之有得又曰先行其言
而後從之何至如今之君子
濶略倫常曉之性命以此訓
俗聒世愈賦愈惑猶樂爰
居以鐘鼓被楨棨以文繡匪

直悞人直自悞矣故子姓趨
遑輒稱引古訓欲申其理
先激之以事既舉其事即
實之以人善曰彼人也我人
也彼有已然之公案我何羅
脩見在之轍跡二三子毋忘

十五

吾所論誼矣延稿退而筆記
漸次成帙徒恨自暴自弃
莫步莫趨讀馬服之書而
不知愛寶曲阜之履而昧
其神揆厥訓條無一相肖心
甚艾焉庶幾以之塾黨資

彼同志猶不虛嘉與之初念
云耳或云何以先教子孫
夫易首乾坤次列屯蒙自
天開地闢養蒙為第一義
矣且古之教者教之為人子
焉教之為人弟焉教之為人

十六

人臣焉即它日為父兄為君
長舉隲括其中教子孫教
其修齊而治平大人大學
之事也惟是古流懿泮
不厭詳採故遠稽近述縷
析條分從人資分擇取多習

之爲小子之造長由之即成人
 之誨此塾訓意也問何以
 後及煩誨家之不齊恒始
 於婦人必激語妻子其教始
 真又何以成及患難凡境
 可假逆境難仍惟極之患

七

難其心始盡嗚呼此夫子所
 謂不愠大易所稱無悶學
 問能事畢矣吾烏知孰爲
 陳迹孰爲名理孰爲下學上
 達哉爰俟知言者

楊廷筠謹述

楊氏塾訓卷之一

武林楊兆坊思說甫纂輯

男楊廷筠仲堅甫校

教子孫

太任文王之母性端一誠莊惟德之行及其娠
 文王目不視惡色耳不聽淫聲口不出教言
 生文王而明聖太任教之以一而識百卒爲
 周宗君子謂太任爲能胎教

內則曰凡生子擇於諸母與可者必求其寬裕

楊氏塾訓

卷之一

一

楊氏塾訓

慈惠溫良恭敬慎而寡言者使爲子師子能
 食食教以右手能言男唯女俞男肇華女肇
 經六年教之數與方名七年男女不同席不
 共食八年出入門戶及卽席飲食必後長者
 始教之讓九年教之數日十年出就外傳居
 宿於外學書誅衣不帛襦袴禮師初朝夕學
 幼儀請肄簡誦十有三年學樂誦詩舞勺成
 童舞象學射御二十而冠始學禮可以衣裘
 帛舞大夏惇行孝弟女子十年不出姆教婉

婉聽從執麻枲治絲繭織紵組紃學女事以共衣服觀於祭祀納酒漿邊豆菹醢禮相助羹十有五年而嫁聘則爲妻奔則爲妾記曰子頗未孝未敬勿庸疾怨姑教之若不可教而後怨之不可怒子放婦出而不表禮焉

世以姑息驕縱其子弟者固非若嚴而過暴徒使恩薄而情攜教反不相入亦不聞此訓矣

禮曰男女不雜坐不同棖桮不同巾櫛不親授受嫂叔不通問諸母不漱裳外言不入於櫺

楊氏塾訓

卷之一

二

內言不出於櫺女子許嫁纓非有大故不入其門姑姊妹女子已嫁而反兄弟弗與同席而坐弗與同器而食

漢相國蕭何買田宅必居窮僻處爲家不治垣屋曰今後世賢師吾儉不賢無爲勢家所奪疏廣曰吾豈老諄不念子孫哉顧自有舊田廬令子孫勤力其中足以共衣食與凡人齊今復增益之以爲贏餘但教子孫急情耳賢而多財則損其志愚而多財則益其過且夫富

者衆之怨也吾既亡以教化子孫不欲益其過而生怨

涿郡太守楊震性公廉子孫常蔬食步行故舊長者或欲公爲開產業震不肯曰使後世稱爲清白吏子孫以此遺之不亦厚乎

鄧禹以行淳儉有子十三人各守一藝修整軍門教養子孫皆可以爲後世法

諸子安心各執一業

馬援兄子嚴敦並喜譏議最不好通輕俠援前

楊氏塾訓

卷之一

三

在交趾還書戒之曰吾欲汝曹聞人過失如聞父母之各耳可得聞口不可得言也好議論人長短妄是非政瀆此吾所大惡也寧死不願聞子孫有此行也龍伯高敦厚周慎口無擇言謙約節儉廉公有威吾愛之重之願汝曹效之杜季良豪俠好義憂人之憂樂人之樂父喪致客數郡畢至吾愛之重之不願汝曹效也效伯高不得猶爲謹敕之士所謂刻鵠不成尚類鶩者也效季良不得陷爲天

下輕薄子所謂畫虎不成反類狗者也。人謂戒子譏議而已復譏議致季良大恨卒有明珠文犀之誡雖死猶以薰葬甚哉口語之爲也。

王昶爲人謹厚名其兄子曰默曰沈名其子曰渾曰深爲書戒之曰吾以四者爲名欲使汝曹顧名思義不敢違越也夫物速成則疾亡晚就則善終朝華之草夕而零落松栢之茂隆寒不衰是以君子戒於闕黨也夫能屈以爲伸讓以爲獨弱以爲彊鮮不遂矣夫毀譽

楊氏塾訓

卷之一

四

者愛惡之原而禍福之機也孔子曰吾之於人誰毀誰譽以聖人之德猶尚如此况庸庸之徒而輕毀譽哉人或毀已當退而求之於身若已有可毀之行則彼言當矣若已無可毀之行則彼言妄矣當則無怨於彼妄則無害於身又何反報焉諺曰救寒莫如重裘止誦莫如自修斯言信矣

萬石君石奮無文學恭謹舉無與比奮長子建次甲次乙次慶皆以馴行孝謹官至二千石

楊氏塾訓

卷之一

五

於是景帝曰石君及四子皆二千石人臣尊寵乃舉集其門故號奮爲萬石君孝景季年萬石君以上大夫祿歸老於家子孫爲小吏來歸謁萬石君必朝服見之不名子孫有過失不諄讓爲便坐對案不食然後諸子相責因長老肉袒固謝罪改之乃許子孫勝冠者在側雖燕必冠申申如也僮僕訢訢如也唯謹其執喪哀戚甚子孫遵教亦如之萬石君家以孝謹聞於郡國雖齊魯諸儒質行皆自以爲不及也建元二年郎中令王臧以文學獲罪皇太后太后以爲儒者文多質少今萬石君家不言而躬行故勝齊魯諸儒乃以長子建爲郎中令少子慶爲內史建老白首萬石君尚無恙每五日洗沐歸謁親入子舍竊問侍者取親中裙廁牘親身自澣灑復與侍者不敢令萬石君知之以爲常萬石君徙居陵里內史慶醉歸入外門不下車萬石君聞之不食慶恐肉袒謝罪不許舉宗及兄建肉袒萬石

君讓曰內史貴人入閭里里中長老皆走匿而內史坐車自如固當乃謝罷慶慶及諸子入里門趨至家萬石君元朔五年卒建哭泣哀思杖乃能行歲餘建亦死諸子孫咸孝然建最甚

漢京兆尹雋不疑每行縣錄囚徒還其母輒問不疑有所平反活幾何人卽不疑多有所平反母喜笑爲飲食言語異於他時或亡所出母怒爲不食故不疑爲吏嚴而不殘

楊氏塾訓

卷之一

六

漢昭烈將終勅後主曰勿以惡小而爲之勿以善小而不爲

諸葛武侯戒子書曰君子之行靜以修身儉以養德非澹泊無以明志非寧靜無以致遠夫學須靜也才須學也非學無以廣才非靜無以成學惰慢則不能研精險躁則不能理性年與時馳意與歲去遂成枯落悲歎窮廬將復何及也

晉陶侃爲縣吏嘗鹽魚池以一坵鮓遺母母封

鮮責曰爾以官物遺我不能益我乃增吾憂耳此家規後人亦不可不曉出自中閫尤以爲難

王凝常居慄如也子孫非公服不見閨門之內若朝廷焉御家以四教勤儉恭恕正家以四禮冠婚喪祭聖人之書及公服禮器不假垣屋什物必堅朴曰無苟費也門巷果木必方刻曰無苟亂也

楊氏塾訓

卷之一

七

龐公未嘗入城府夫妻相敬如賓劉表候之龐公釋耕於壘上而妻子耘於前表指而問曰先生苦居畎畝而不肯官祿後世何以遺子孫乎龐公曰世人皆遺之以危今獨遺之以安雖所遺不同未爲無所遺也表歎息而去

景升知歎息而不能用故璋卒爲虞

陶淵明爲彭澤令不以家累自隨送一力給其子書曰汝旦夕之費自給爲難今遣此力助汝薪水之勞此亦人子也可善遇之

唐中書令崔玄暉初爲庫部員外郎母盧氏嘗

戒之曰。吾嘗聞姨兄辛亥馭云。兒子從官於外。有人來言其貧窶。不能自存。此吉語也。言其富足。車馬輕肥。此惡語也。吾嘗重其言。比見中表仕宦者。多以金帛獻遺其父母。父母但知忻悅。不問金帛所從來。若以非道得之。此乃爲盜而未發者耳。安得不憂而更喜乎。太子少保李景讓母鄭氏。性嚴明。早寡。家貧。親教諸子。久雨宅後古牆頽陷。得錢滿缸。奴婢喜走告鄭。鄭焚香祝之曰。天蓋以先君餘慶。楊氏塾訓 卷之一 八

愍妾母子孤貧。賜以此錢。然妾願者。諸子學業有成。他日受俸。此錢非所欲也。亟命掩之。此唯患其子名不立也。

唐河東節度使柳公綽。在公卿間。最有名。有家法。中門東有小齋。自非朝謁之日。每平旦。輒出至小齋。諸子仲郢皆束帶晨省於中門之北。公綽決私事。接賓客。與弟公權及羣從弟再會食。自旦至暮。不離小齋。燭至。則命一人子弟執經史。躬讀一過訖。乃講議居官治家之

法。或論文。或聽琴。至人定鐘鳴。然後歸寢。諸子復昏定於中門之北。凡二十餘年。未嘗一日變易。其遇饑歲。則諸子皆蔬食。曰。昔吾兄弟侍先君爲丹州刺史。以學業未成。不聽食肉。吾不敢忘也。姑姊妹姪有孤嫠者。雖疎遠。必爲擇婿嫁之。皆用刻木粧奩。纈文絹爲資。裝常言。必待資裝豐備。何如。嫁不失時。及公綽卒。仲郢一遵其法。事公權如事公綽。非病甚。見公權未嘗不束帶。爲京兆尹鹽鐵使出。楊氏塾訓 卷之一 九

遇公權於通衢。必下馬。端笏立。候公權過。乃上馬。公權莫歸。必束帶迎候於馬首。公權屢以爲言。仲郢終不以官達有小改。公綽妻韓氏。相國休之曾孫。家法嚴肅。儉約。爲縉紳家楷範。歸柳氏三年。無少長。未嘗見其啟齒。常衣絹素。不用綾羅錦繡。每歸覲。不乘金碧輿。祇乘竹塋子。二青衣步屣以隨。常命粉苦參黃連。熊膽和爲丸。賜諸子。每永夜習學。言之以資勤苦。

柳玘嘗著書戒其子弟曰：壞名災已，辱先喪志，其失尤大者五：宜深誌之。其一自求安逸，靡甘澹泊，苟利於己，不恤人言；其二不知儒術，不悅古道，情前經而不耻，論當世而解頤，身既寡知，惡人有學，其三勝已者厭之，佞已者悅之，唯樂戲談，莫思古道，聞人之善嫉之，聞人之惡揚之，浸漬頗僻，銷刻德義，簪裾徒在，廝養何殊？其四崇好優游，耽嗜麴蘖，以御杯爲高致，以勤事爲俗流，習之易荒，覺已難悔。

楊氏塾訓

卷之一

十一

其五急於名宦，匿近權要，一資半級，雖或得之，衆怒羣猜，鮮有存者。余見名門右族，莫不由祖先忠孝勤儉，以成立之，莫不由子孫頑率奢傲，以覆墜之。成立之難如升天，覆墜之易如燎毛，言之痛心，爾宜刻骨。

柳氏自公綽以來，世以孝弟禮法爲士大夫所宗。玘爲御史大夫，上欲以爲相，宦官惡之，久謫於外。玘嘗戒其子弟曰：凡門地高，可畏，不可恃也。立身行己，一事有失，則得罪重於他。

人死無以見先人於地下，此其所以可畏也。門高則驕心易生，族盛則爲人所嫉，懿行實，尤人未之信，少有疵類，衆皆指之。此其所以不可恃也。故膏梁子弟，學宜加勤，行宜加勵，僅得比他人爾。

楊氏塾訓

卷之一

十二

裴晉公訓子云：凡吾輩但可令文種無絕，然其間能成功，致身萬乘之相，則天也。黃山谷亦云：四民皆坐世業，士夫子弟能知忠信孝友，斯可矣。然不可令讀書種子斷絕，有才氣出羣者，便當名世。故周公謹兼取其義，扁其堂爲書種云。

顏氏家訓曰：借人典籍，皆須愛護，先有缺壞，就爲補治。此亦士大夫百行之一也。濟陽江祿讀書未竟，雖有急遽，必待卷束整齊，然後得起，故無損敗。人不厭其來假焉。或有狼籍几案，分散部秩，多爲童幼婢妾之所點污，風雨蟲鼠之所毀傷，實爲累德。吾每讀聖人書，未嘗不肅敬對之，其故紙有五經詞義及聖賢